

亥22
23-5
2.

傷寒廣要

下



傷寒廣要卷第七

東都 丹波元堅 茆庭 撰

兼變諸證上

誤治虛乏

脈沉而數。按之無力。口渴。身熱不退。即退亦不淨。神氣恍惚。與湯水則飲。不與則不飲。時思食。食亦不能下。舌上微燥。得湯即潤。或淡紅色。或有微苔。或無苔。此裏虛熱。而少津液也。直解○案此不謂誤治證。然以下諸方所主。多有如此者。仍出於茲。

人參奪命散。無問陰陽二證。傷寒日子深淺。差誤服藥。而成壞證。垂死者。服之再生。

人參

二兩。緊實者。

右爲麁末。分再服。生薑三片。水一盞半。煎至七分。通口服。一時辰間。連進三服。覺鼻上汗出。無不即活。家寶



破證奪命散

○一作丹

治傷寒陰陽二證不明。或投藥錯誤。致患人困重垂死。七日

以後。皆可服。傳者云。千不失一。

好人參一兩。去蘆。細切。水一大升。銀石器內煎至一盞。新水沉之。取冷。一服而盡。汗不自出。只在鼻梁尖上。涓涓如水。是其應也。蘇軾光云。侍郎方丈。嘗以救數十人。余宰清流日。申屠倅行父之子婦。產後病時疫。二十餘日。已成壞證。偶見問。因勸其一味。只服人參。遂安。是時未知有此方。偶暗合耳。齊是治傷寒壞證。時或發熱。消渴煩燥。用新羅人參。不拘多少。煎湯。浸令冰冷。候盛渴之時。與之頓服。熱則隨去。簡易世謂傷寒汗吐下三法差謬。名曰壞證。昔張子和。用獨參湯。救治一人垂死。手足俱冷。氣息將絕。口張不能言。子和以人參一兩。去蘆。加附子一錢。於石朮內煎至一碗。以新汲水浸之。若冰冷。一服而盡。少頃。病人汗從鼻梁尖上涓涓如水。此其驗也。蓋鼻梁上應脾。若鼻端有汗者可救。以土在身中周遍故也。近陸同婦。產後患疫證。二十餘日。氣虛脈弱。卽同壞證。亦以此湯治之。遂愈。孫真人云。人參湯。須用長流水煎服。

若用井水則不驗。蓋長流水取其性之通達耳。續醫說是治壞病中之誤汗吐

下真氣脫而致虛者服之如神。辨注凡發汗太過一時將至亡陽或身寒而慄

或氣脫昏沉等候速宜煎獨參湯一兩許飲之或甚者以四味回陽飲速為

挽回庶可保全否則恐致不救。景岳

人參膏 用頂參六兩水五碗煎取二碗復渣用水二碗煎取一碗去渣將三

碗參汁合為一處緩火煎熬以箸常常攪之候汁稠厚即成膏矣凡救虛危

將脫之症得此為善。心悟

生脈散 主證互見前。

人參

麥門冬

五味子 各等分

右細切水煎。人參之甘補氣。麥門冬苦寒瀉熱補水之源。五味子之酸清

肅燥金。名曰生脈散。內外傷辨原無分量煎法今據正傳錄。

大白。誤汗太過津液外亡用生脈益氣湯。即本方合補中益氣湯。

人參三白散發汗後脈虛人弱者



人參

錢三

白朮

白芍藥

白茯苓

錢各二

生薑

片三

大棗

枚二

右用水二鍾煎一鍾溫服之。桂枝要○原加。今刪去。寶鑑補遺不用大棗云。手足冷或

身微熱。脈皆沉細微弱。而煩躁者。或用人參三白湯。加竹筴。○案此方未審其出典先君手印要

訣云。欲用真武湯。且用三白湯蓋卽是已。而類方錯舉和劑治勝。脫蘊熱方。致婦人良方。治血虛肌熱。乞力伽散用朮。苓。芍。甘。四味。殆此原方也。又加減十三方加減玄武湯。

其方與乞力伽散相同。

癸未仲秋。比鄰林楚曉之母。勞力感寒。頭眩發熱。前醫誤以爲太陽表症。而投

辛發之劑。連五劑不痊。及延余治。六脈洪緩無力。兩手微見關動。此乃過飲表

劑。因致元氣大虛。血不榮筋。法當溫補。遂用補中益氣湯。加肉桂。赤芍。兩服熱

退身涼。脈亦斂。再劑關動亦止。軒岐救正論。

加味人參養營湯。治發汗過多。氣血俱虛。而筋惕肉瞤者。

人參

半錢

白朮

當歸身

生地黃

有熱用此。無熱用熟者。

麥門冬

錢各一

茯苓



甘草 炙

川芎

肉桂 有熱者減半。各一錢。

五味子 十五粒

黃芪 二錢半。有自汗者。用三錢。

生薑 三片

棗子 二個

水二鍾。煎至一鍾。去粗溫服。如陰虛相火動者。加知母。黃柏。各一錢。酒炒用。

若陽虛下寒脈微者。加熟附子一錢。肉桂倍之。不得眠。加遠志。酸棗仁。各一

錢。蘊要○案人參養營湯。本出和劑。冷門。今於彼方去芍藥。陳皮。遠志。加川芎。麥門冬。明條。汗下過多。津液衰少。或病方

瘥。血氣尙虛。是以心火不降。腎水不升。而口燥咽乾者。必當滋陰補血之劑。

用滋陰養營湯於本方。去朮。芎。桂。芪。薑。棗。加知母。黃柏。溫疫論人參養

營湯。於滋陰養營湯方中。去黃柏。加陳皮。

溫經益元湯。治因汗下大虛。頭眩。振振欲擗地。并肉瞤筋惕。及因發汗太多。衛

虛亡陽汗不止。

熟地黃

人參

白朮

黃芪

當歸

白芍藥



生地黃

白茯苓

陳皮

肉桂

甘草

大附子

水二鍾。薑一片。棗一枚。槌法。加糯米一撮。煎之溫服。

六書○原脫補。子。今據赤水補。

撮要孫

氏集效方。並去熟地。茯苓。陳皮。加乾薑。

○案此方。原為代真武湯。然稍屬緩慢。仍錄於此。

韓氏曰。產脫血虛者。宜用羊肉湯。傷寒汗下太過。亡陽失血。若只用救逆。效必遲矣。與羊肉湯。為效神速。病人面色雖見陽。是客熱上焦。中下二焦。陰氣已盛。若調得下焦有陽。則上焦陽氣下降。丹田知所歸宿矣。夫氣有高下。病有遠近。證有中外。治有輕重。各適其至。所為故。病八九日。汗下太過。二脈沉細無力。多踰足臥。惡聽人聲。皮有粟。時戰如瘧。宜羊肉湯主之。

羊肉湯方

當歸

白芍藥

附子

四錢。炮裂。去皮。臍。

龍骨

牛兩。燒。通赤。

生薑

牡蠣

一兩。燒赤。

桂枝

半錢。



右爲麤末。每服二兩。羊肉四兩。葱白四寸。去黃心。同剉爛。以水五升。之一升。今大羹。熬至一半以來。濾絞去滓。分三服服之。海云。陽證大汗大下後。亡陽于外。亡血于內。上而津脫。下而液脫。津液兩亡。宜以此湯補之。矧陰證者。豈可不溫補哉。此與傷寒太陽證振搖與真武湯一例。外之陽症。至此尙溫。況之陰候。豈得不補耶。略例○案此方。卽當歸生薑羊肉湯。合桂枝加龍骨牡蠣湯。而變化之者。

發瘕

瘕爲發汗太過。血不榮筋之候。故亡血新產。瘡家虛家。易犯此證。無論陰陽。剛柔脈類。總之正衰邪盛。卒難救療。緒論

瘕者。發熱腹痛。口噤頭搖。瘕瘕不語。項強背直。腰身反張。或目疼。或目赤。或閉目。或反目。或足冷。或足溫。或妄行。其脈沉弦而遲。亦或帶緊。此爲惡候。不救者多。若脈如雨濺。散出於指外者。旦暮殂也。傷風頭痛發熱。常出微汗。又自嘔逆。汗之必發瘕。新產血虛。汗出傷風。亦致發瘕。大發溼家汗。亦作瘕熱而死。瘕初發來。多有腹痛之證。內經曰。戴眼反折瘕瘕。汗出如珠。著身不流。太陽絕也。其



謂是乎。總括○初發多有腹痛。似不必。

若發熱畏寒無汗。開目仰臥。口燥渴。脈浮緊而數。此屬陽。名剛瘧。若自汗不惡寒。閉目合面。四肢不收。口中和。脈沉細而澹。此屬陰。名柔瘧。夫二瘧。皆有搖擗反張。口噤咬齒等證。但剛瘧手足抽掣。極能駭人。柔瘧四肢不收。時或發作耳。
明條○以上總證。

剛瘧爲之發汗。柔瘧爲之解肌。並以小續命湯加減。剛瘧去附子。用麻黃。柔瘧去麻黃。用生附子。大便利而厥逆者。則以熟附佐之。嬰兒指要○案小續命湯。剛柔通用。本出總病論。見於下。

凡二瘧。並可與小續命加減服之。又有大豆紫湯。與竹瀝。並可與服。然得斯疾十愈二三耳。管見良方

小續命湯

附子生。削去皮。臍五錢。

防風半兩

芍藥

白朮

人參

川芎

麻黃去節。湯泡三次。焙乾。

防己

黃芩

桂枝

甘草 各一兩

右剉如麻豆大。每服五錢匕。水一盞半。煎至一盞。去滓。取八分清汁。入生薑汁。再煎一二沸。溫服。日三夜二。若柔痙自汗者。去麻黃。加葛根。活人三。加葛根。不葛。書燈論補。案此方。本出千金。治中風冒昧。不知痛處。拘急不得轉側。總病。加葛根。名葛根麻黃湯。治剛痙。柔痙。

去麻黃。加葛根。成一兩半。一兩。本方。蘊要云。剛柔二痙通用。小續命湯主之。

此言未可憑也。如柔痙有汗。須去麻黃。無熱有寒。須去黃芩。防己乃可用之。若剛痙熱多。須去附子。恐不為續命湯也。用者詳之。

大豆紫湯。治中風痙瘓。或背強口噤。錄。○節。

大豆 升五

清酒 斗一

右二味。以鐵鑊。猛火熬豆。令極熱。焦煙出。以酒沃之。去滓。服一升。日夜數服。

服盡更合。小汗則愈。一以去風。二則消血結。千金○此本出婦人中。療產後中風。角弓反張。又出傷損中。療破傷。

風入四體。角弓反張。口噤。不能言。凡得此者。不過五劑。不肘後。療中風。無問男子婦人。中風脊急。身痙如

弓。紫湯方。雞屎升二。大豆升一。防風三兩。切。右三味。以水三升。先煮防風。取三合汁。

豆雞屎二味。鎗中熬之。令黃赤色。用酒三升淋之。去滓。然後用防風汁和分。爲再服。相去如人行六七里。衣覆取汗。忌風。外臺○案千金。外臺更有類方數首。當攷○以上總治

王朝奉桂枝加葛根栝蒌湯 治證同栝蒌桂枝湯

桂枝

芍藥 錢各一

甘草

葛根

栝蒌根 錢各二

右咬咀。每服五錢。水二盞。薑五片。棗二枚。煎至一盞。去滓服。元戎

若汗多亡陽下多亡陰。致筋脈失養。不柔和而成瘧。無外邪可解者。惟宜補養

氣血。闡要編○緒論云。十全大補。人參養營。大建中湯。選用。

凡陰證脈沉細者。附子湯。芍藥甘草附子湯。桂枝加附子湯。選用。服藥後。汗出

身和者。吉。若脈來沉遲。或緊細。而大便自利者。皆死證也。緒論○案三方之目。原作附子散。附子白朮湯。

其方本出聖惠活人等。一係辛燥。瘧病液乾。實非所宜。今所不取。考醫通舉金匱諸條。必配仲景溫補方。亦屬牽強。然此三方。特爲合轍。仍從改易。○以上柔瘧。

瘧病通宜三承氣合解毒下之。

傷寒瘡瘍破傷風。與傷寒治法一同。但以涼膈白虎承氣。臨時斟酌用之。要心



治傷寒剛瘧。壯熱頭痛。筋脈不能舒展。犀角大黃湯方。

犀角 鎊

大黃 剉。炒。各一兩。

芎藭 兩半

石膏 兩二

牛黃 研。半分。

右五味。搗羅四味為散。入牛黃同研令勻。每服一錢匕。不拘時。煎淡竹葉湯調下。聖濟○以

風溼

大抵溼之為病。易至沉深。漸漬之餘。淪肌浹髓。於斯時也。須以朮附薑桂作太劑與之。藥力相接。病當漸解。不可以旦暮而責效焉。要之治溼莫若生附蒼朮為快。指直

治溼莫如朮。然白朮性緩。不如蒼朮之烈。芎藭亦能逐水。其說見於左傳。若更挾熱而小便不利。則須用茯苓防己之類。以通之。然亦視其輕重淺深。若所感重而溼已達於藏府。必不入食。為嘔為泄。為喘滿。為四肢重痛。為鄭聲。為眼直視。睛不能轉。為脚腫。若臍下堅硬。為虛汗。非若風寒之易攻。直須以雄附薑桂



橘朮之類。作大劑與服。使藥氣相接。浸漬攻之。積日持久。乃當漸去。要以生附

蒼朮為主也。不可以數服。不見效用。別藥。簡易

其寒多者。為痛為浮腫。非附子桂朮不能去也。其風多者。為煩熱。為流走。為拘

急。非麻黃薏苡烏頭輩不能散也。活人注

治傷寒中風。骨節疼痛。煩悶不得屈伸。近之則痛劇。汗出短氣。不便利。惡風。

或身微腫。宜服此方。

麻黃 兩二

附子 兩一

白朮 兩二

桂心 兩二

赤芍藥 兩一

甘草 兩一

右件藥。擣麤羅為散。每服四錢。以水一中盞。入生薑半分。煎至六分。去滓溫

服。每日四五服。聖惠○案此本出中風中然。是甘草附子湯變方。 三因附子麻黃湯。治寒溼所中。昏

暈緩弱。或腰背強急。口喎語聲混濁。心腹脹。氣上喘。不能動轉。於本方去

桂心。芍藥。生薑。加乾薑。人參。○案此等方。白朮。不如用蒼朮。

朮附湯。若但寒頭重。動則眩運。肌肉酸疼。牽急不得轉側。漦漦汗出惡寒。小便



不利。大便反快。短氣眩運。足寒。或時咽痛。發熱。此由寒溼之邪。客搏經絡。陽氣不得發洩。蘊於肌肉之間。謂之寒溼。其脈遲緩而小弦。

蒼朮

兩四

芍藥

茯苓

兩各三

人參

甘草

兩各一

附子

兩各一

右爲龜散。每服五錢。水二盞。煎一盞。去滓溫服。

十便引。指迷方。

易簡。附子湯。治風

寒溼合痺。骨節疼痛。皮膚不仁。肌肉重著。四肢緩縱。腰脚酸疼。於本方去蒼

朮。茯苓。加白朮。官桂。用生附。入薑煎。

重證以上

傷溼又兼感寒。則拳攣掣痛。無汗。慘慘煩痛。五積散。

要訣

傷溼而兼感風者。若大發其汗。則風去溼在。已得汗而發熱不去者。敗毒散。加

蒼朮一錢。防己半錢。

同上。防己一作防風。

論風溼不可汗下。春夏之交。人病如傷寒。其人汗自出。肢體重痛。轉仄難。小便不利。此名風溼。非傷寒也。陰雨之後。卑溼。或引飲過多。多有此證。但多服五苓散。小便通利。溼去則愈。切忌轉瀉發汗。小悞必不可救。初虞世云。醫者不識。作



傷風治之。發汗死。下之死。己未年京師大疫。正爲此。予自得其說。救人甚多。壬辰年。予守官洪州。一同官妻有此證。因勸其服五苓散。不信。醫投發汗藥。一夕而斃。不可不謹也。大抵五苓散。能導水去溼耳。胸中有停飲。及小兒吐乳。欲作痢。服五苓散最妙。初君之說詳矣。予因廣此說。以信諸人。醫說。引信效方。

凡冒露感雨。溼氣內攻。而胸前凝滯者。此但可燥溼和中。若誤下之。則溼氣內攻。損傷脾胃。隨必變痢。久則五液注下。卽俗名五色痢。

變爲四肢冰冷。手足開撒。昏沉神倦。尺寸沉微。瀉遺無度。錦囊○以上輕證。

金鑑曰。溫病復傷於溼。曰溼溫。而活人則曰。傷溼而又中暑。曰溼溫。味其義意。當遵金鑑爲是。蓋傷溼而又傷暑。只可謂之傷暑溼。而不可謂之溼溫也。夫曰溼溫者。是溼而兼瘟也。或先瘟而中溼。或先溼而患溫。與暑何涉焉。第瘟疫兼溼。又最難辨。唯於一身盡痛。痛極且不能轉側。惡飲湯水。目中視物皆紅黃。身目色微黃。而無譫妄等症者。辨之始得。而溼症之中。又有溼熱寒溼之分。溼熱者。小便赤澀如馬溺。渾濁色白。且有煩熱。大便秘結諸症。宜人參白虎湯主之。



或四苓散。大小分清飲。茵陳飲之類。皆可擇用。若天久陰雨。溼氣過勝。其人藏府虛。大便滑。小便清。乃是寒溼。宜朮附湯。但瘟疫兼溼熱者多。而兼寒溼者少。北方風高土燥。患此者少。唯南方水鄉卑溼。天氣炎熱。患者但多。春冬感者恆少。而夏秋患者恆多。所宜隨其時地而變通之。說疫

白虎加蒼朮湯。治溼溫多汗。

知母 兩六

甘草 炙。二兩。

石膏 斤一

蒼朮 兩三

粳米 兩三

右剉如麻豆大。每服五錢。水一盞半。煎至八九分。去滓。取六分清汁。溫服。此方。出傷寒微旨。亦做金匱白虎加桂湯。活人○以溼溫上

停水

治傷寒中風發熱。六七日不解。而煩渴欲飲水。而吐逆。猪苓散方。

猪苓 兩一

澤瀉 兩一

赤茯苓 兩一

桂心 兩半

白朮 兩半

葛根 兩一



右件藥。擣麤羅爲散。每服三錢。以水一中盞。煎至六分。去滓。溫溫頻服。惠聖
治時氣結胸。心下滿實煩悶。宜服猪苓散方。

猪苓

一兩

澤瀉

一兩

桂心

兩半

赤茯苓

三分

川朴硝

三兩

右件藥。擣細羅爲散。每服不計時候。以粥飲調下二錢。惠聖

辰砂五苓散。治傷寒表裏不解。頭痛發熱。心胸鬱悶。脣口乾焦。神思昏沉。在言
譫語。如見鬼神。及治瘴瘧。煩悶不省者。

木猪苓

去黑皮

白朮

洗。去蘆。

澤瀉

洗。剉。

赤茯苓

去皮

辰砂

研。各十兩。

肉桂

去皮。八兩。

右爲細末。每服二錢。沸湯點服。和劑

減桂五苓散。治傷寒時氣。燥渴飲水。

赤茯苓

猪苓

白朮

各二兩

澤瀉

四兩半